



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU NARODNE STRANKE ZA GRAHOVO

Broj: 03-07-6-593/18
Sarajevo, 23.07. 2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Narodne stranke za Grahovo za 2016. godinu.¹

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjih finansijskih izvještaja za 2016. godinu Narodne stranke za Grahovo, utvrđeno je da je stranka prekršila odredbe člana 11. stav (1), člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

¹ Narodna stranka za Grahovo nije dostavila finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Narodne stranke za Grahovo za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Narodna stranka za Grahovo se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.020,00	100,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	2.020,00	100,00
II	Ostali prihodi i drugo	0,00	0,00
	Izvori finansiranja (I+II)	2.020,00	100,00

U godišnjem finansijskom izvještaju stranka je iskazala rashode u ukupnom iznosu od 2.018,02 KM.

2. PREDSTAVLJANJE POLITIČKE STRANKE

Naziv političke stranke: Narodna stranka za Grahovo. Skraćeni naziv: NSG.

Narodna stranka za Grahovo registrovana je kod Općinskog suda u Livnu rješenjem broj: 068-0-F1-16-000-003 od 20.04.2016. godine.

Sjedište političke stranke je u Bosanskom Grahovu, Peći bb.

Ovlašteno lice za predstavljanje i zastupanje stranke je Siniša Bilbija, sekretar.

Lice ovlašteno za podnošenje finansijskih izvještaja za 2016. godinu je takođe Siniša Bilbija.

Prema podacima iz godišnjeg finansijskog izvještaja za 2016. godinu, Narodna stranka za Grahovo nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke za Grahovo za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka

finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskog izvještaja Narodne stranke za Grahovo obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode od članarina i troškove kampanje.

4. PRETHODNE KONTROLE I REVIZIJE

Pregled i kontrola godišnjeg finansijskog izvještaja Narodne stranke za Grahovo obavlja se prvi put.

5. NALAZI I PREPORUKE

5.1 NALAZI

Narodna stranka za Grahovo nije postupila u skladu sa odredbama člana 11. stav (1)² i člana 12. stav (1)³, (3)⁴ i (4)⁵ Zakona o finansiranju političkih stranaka i odredbama člana 15.1 stav (1)⁶ Izbornog zakona Bosne i Hercegovine.

Pregledom godišnjeg finansijskog izvještaja za 2016. godinu, utvrđeno je da stranka nije vodila poslovne knjige, nije uspostavila tačnu evidenciju o svojim rashodima, godišni finansijski izvještaj za 2016. godinu nije dostavila o zakonom propisanom roku, nije dostavila finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016 i godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. stav (1), člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Na osnovu dostavljene Izjave, broj: 01-31-4/18 od 06.06.2018. godine, utvrđeno je da Narodna stranka za Grahovo nije vodila poslovne knjige za 2016. godinu. U skladu sa odredbom člana 11. stav (1) Zakona o finansiranju političkih stranaka, politička stranka je dužna da vodi poslovne knjige u skladu sa računovodstvenim propisima.
- (2) Služba za reviziju je utvrdila da je Narodna stranka za Grahovo u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove takse za ovjeru za Lokalne izbore 2016. godine u iznosu od 2.000,00 KM, odnosno ukupne rashode u obrascu 4 (rashodi političke stranke) iskazala je u većem iznosu za 1.000,00 KM, što je suprotno odredbama člana 21. i člana 22. Pravilnika.

Na osnovu Odluke Centralne izborne komisije BiH o povratu uplaćenog novčanog iznosa takse za ovjeru, broj: 06-1-07-3-1513/16 od 14.12.2016. godine, utvrđeno je da su stranci vraćena sredstva od takse u iznosu od 1.000,00 KM i uplaćena na transakcijski račun stranke broj:

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

³ Politička stranka vodi evidenciju o svojim prihodima i rashodima.

⁴ Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

⁵ Do 31. marta naredne godine politička stranka podnosi finansijski izvještaj u formi koju odobri Centralna izborna komisija BiH.

⁶ Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, u vrijeme podnošenja prijave za ovjeru za učešće na izborima, Centralnoj izbornoj komisiji BiH podnijeti finansijski izvještaj za period koji počinje tri mjeseca prije dana podnošenja prijave za ovjeru. Osim toga, u roku od trideset dana od dana objavljivanja izbornih rezultata u Službenom glasniku BiH, podnosi se i finansijski izvještaj za period od dana podnošenja prijave za ovjeru za izbore do dana ovjere rezultata izbora.

3381502289528827 kod UniCredit banke d.d.,⁷ te je time stranka troškove takse za izbore imala u iznosu od 1.000,00 KM, a ne u iznosu od 2.000,00 KM, koliko je iskazala u godišnjem finansijskom izvještaju.

- (3) Politička stranka je godišnji finansijski izvještaj za 2016. godinu podnijela 22.03.2018. godine, tj. nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka⁸.
- (4) Narodna stranka za Grahovo nije dostavila finansijski izvještaju za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.⁹

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹⁰ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Narodna stranka za Grahovo je u svrhu izborne kampanje mogla da potroši 893,10 KM.

Narodna stranka za Grahovo u godišnjem finansijskom izvještaju nije iskazala troškove izborne kampanje. Na osnovu dostavljene Izjave, broj: 01-31-6/18 od 06.06.2018. godine utvrđeno je da stranka nije imala troškove kampanje zbog minimalnog izvora finansiranja.

5.2 PREPORUKE

Preporučuje se Narodnoj stranci za Grahovo da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi poslovne knjige u skladu sa računovodstvenim propisima,***
- ***da u poslovnim knjigama uspostavi tačne evidencije o rashodima stranke,***
- ***da finansijske izvještaje Centralnoj izornoj komisiji Bosne i Hercegovine podnosi u skladu sa Pravilnikom o godišnjim finansijskim izvještajima političkih stranaka i***
- ***da finansijske izvještaje podnosi u rokovima propisanim Zakonom o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.***

KOMENTAR

Politička stranka Narodna stranka za Grahovo nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora

Šef Službe za reviziju

Mr.sc. Goran Cicović

Mr.sc. Hasida Gušić

⁷ Izvod broj 1 od 06.01.2017. godine.

⁸ Rok za dostavljanje godišnjeg finansijskog izvještaja za 2016. godinu bio je 31.03.2017. godine.

⁹ Rok za dostavljanje postizbornih finansijskih izvještaja bio je 01.12.2016. godine.

¹⁰ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.